



EBAZPENA, 2022ko uztailaren 7koa, Langileak Kudeatzeko zuzendariarena, enplegua egonkortzeko salbuespenezko prozesurako deialdia egiten duena, Hezkuntza Saileko hezkuntzako lan-legepeko hezitzaileen lan-kategorietako plazak modu finkoan betetzeko onartutako eta baztertutakoen behin-behineko zerrenda onartzen duena. Halaber, horren bidez, lehentasun-hurrenkera zehazteko epea irekitzen da, kategoria baterako baino gehiagorako eskabiderik aurkeztu badira.

---

Hezkuntzako sailburuaren 2022ko abenduaren 20ko Aginduaren bidez (2022ko abenduaren 29ko EHAA), enplegua egonkortzeko salbuespenezko prozesurako deialdia egiten duena, Hezkuntza Saileko hezkuntzako lan-legepeko hezitzaileen lan-kategorietako plazak modu finkoan betetzeko salbuespenezko prozesurako deialdia egin zen.

Eskabideak aurkezteko epea amaitu ondoren, aipatutako deialdiak 5. oinarrian xedatutakoaren arabera, hau

#### EBAZTEN DUT:

1. artikulua.– Onartzea lan-legepeko hezitzaileen lan-kategorietako plazak modu finkoan betetzeko salbuespenezko prozesuan onartu eta baztertuen behin-behineko zerrenda (hautaketa-prozedura Hezkuntzako sailburuaren 2022ko abenduaren 20ko Aginduaren bidez deitu zen).

2. artikulua.– Ebazpen hau, bai eta behin-behineko zerrenda ere, interesdunei jakinarazteko, Hezkuntza Sailaren Interneteko helbide hauetan argitaratuko dira:

- <https://hezigunea.euskadi.eus/>(«Erabiltzailea» eta «Pasahitza» sartuz) – «Eremu pertsonala» – «Izapideak langileen sailarekin» – «Administrazio-izapideak» – «EPE 2022. Lan-legepeko hezitzaileak. Egonkortzeko salbuespenezko prozesua» – «Hautaketa-prozesuaren jarraipena» (hautatu Kategoria) eta «Onartuen eta baztertuen zerrenda»

-<https://www.euskadi.eus/eusko-jaurlaritza/hezkuntza-langileak/> («EPE2022. Lan-legepeko hezitzaileak. Egonkortzeko salbuespenezko prozesua») «Onartutako eta baztertutakoen zerrenda».

3. artikulua.– Onartutako izangaien zerrendan agertzeak ez du esan nahi deialdi honetan eskatutako baldintza guztiak betetzen dituztenik. Beraz, onartutako pertsonen prozedura honetan parte hartetik eratorritako eskubideak izateko, ezinbestekoa izango da oinarri hauen 9. atalean jasotako dokumentuak aurkeztea eta, ondorioz, eskatutako baldintzak betetzen direla egiaztatzea, bai eta azterketa medikoa gainditzea ere.

4. artikulua.– Hamar egun balioduneko epea irekitzea, ebazpen hau argitaratu eta hurrengo egunetik aurrera, salbuespenezko hautaketa-prozesu honetarako eskabide bat baino gehiago egin bada kategoria desberdinetan, lehentasun-hurrenkera zehazteko.

Horretarako, kategoria batean baino gehiagotan onartutakoen eta baztertutakoen behin-behineko zerrendetan daudenek lehentasun-ordena adierazi beharko dute eskatutako kategorien artean. Izangai bakoitzak interneteko helbide honetatik aukeratu beharko du lehentasun-hurrenkera:

<https://hezigunea.euskadi.eus/>(«Erabiltzailea (NAN/AIZ )» eta «Pasahitza» sartuz) – «Eremu pertsonala» – «Izapideak langileen sailarekin» – «Administrazio-izapideak» – «EPE 2022. Lan-legepeko hezitzaileak. Egonkortzeko salbuespenezko prozesua»



atalaren bidez, «Norberari egokitutako kontsultak»: Lehentasunak zutabeen lehentasun-hurrenkerari buruzko digitua adieraziko da, lehenetsitako Kategoriari dagokion laukitxoan 1etik hasita (lehentasunezko aukera) eta horrela hurrenez hurren, eta, amaitutakoan, Gorde.

Kautelaz, kategoria batean baino gehiagotan baztertuta daudenek ere lehentasun-hurrenkerara adierazi beharko dute, baldin eta baztertuaren aurkako erreklamazioa aurkezten badute.

Eskatutako kategorien artean lehentasun-hurrenkerara zehaztu ezean, eta kategoria batean baino gehiagotan hautatuak izateko aukera izanez gero, puntuaziorik handiena lortu duten kategorian soilik hautatuak izango dira, eta puntuazio bera lortuz gero, eskabidea lehenengoz aurkeztu duten espezialitatean, aurkezpen-data eta –ordua kontuan hartuta.

5. artikulua.– Ebazpen honen aurka, onartutakoen eta baztertutakoen behin-behineko zerrendari dagokionez, izangaiek erreklamazioa aurkeztu ahal izango dute, hamar egun balioduneko epean, zerrenda argitaratu eta hurrengo egunetik aurrera, edo, hala badagokio, zuzendu ahal izango dute baztertzea eragin duen akatsa. Dagokion tasa ez ordaintzea ez da akats zuzengarritzat jotzen. Halaber, beren datu pertsonalak jasotzean akatsak atzeman dituztenek epe horretan bertan adierazi ahal izango dute.

Erreklamazioak Langileak Kudeatzeko zuzendariari zuzenduko zaizkio, eta interneteko helbide hauetan aurkeztuko dira:

- <https://hezigunea.euskadi.eus/>(«Erabiltzailea» eta «Pasahitza» sartuz) – «Arlo pertsonala» – «Izapideak langileekin» – «Administrazio-izapideak» – «2022ko EPE. Lan-legepeko hezitzaileak. Salbuespenezko egonkortze-prozesua» – «Hautaketa-prozesuaren jarraipena» (hautatu Kategoria) eta «Onartuen eta baztertuen zerrenda», «Erreklamazioak» eta horiek aurkezteko jarraibideak betetzea.

- <https://www.euskadi.eus/eusko-jaurilaritza/hezkuntza-saila/>(«EPE 2022. Lan-legepeko hezitzaileak Egonkortzeko salbuespenezko prozesua») – «Onartutakoen eta baztertutakoen zerrenda», aurreko ataleko bideari jarraituz.

Interesdunak ez badu adierazitako epean zuzentzen baztertzeko arrazoia izan den akatsa, eskaeran atzera egin duela ulertuko da inguruabar hori adierazten duen berriazko ebazpen baten bidez, Administrazio Publikoen Administrazio Prozedura Erkidearen urriaren 1eko 39/2015 Legearen 68. artikuluan xedatutakoarekin bat etorritik.

Vitoria-Gasteiz, 2023ko uztailaren 7a.

Langileak Kudeatzeko zuzendaria,  
BLANCA GUERRERO OCEJO